

REGLUGERÐ

um (9.) breytingu á reglugerð um gerð lyfseðla og ávísun lyfja,
afgreiðslu þeirra og merkingu nr. 421/1988.

1. gr.

1. ml. 2. mgr. 53. gr. orðist svo:

Við afgreiðslu lyfja frá lyfsölu heilsugæslustöðva og sjúkrahúsa skv. ákvæðum 4. gr. reglugerðar nr. 27/1983, um staðsetningu lyfjabúða og lyfjaútibúa, sbr. breytingu frá 11. apríl 1991, skal í öllu fylgja ákvæðum þessarar reglugerðar.

2. gr.

66. gr. orðist svo:

Lyfjafræðingi er heimilt að afhenda minnstu pakkningastærð lyfseðilsskylds, staðlaðs lyfs án lyfseðils í undantekningartilvikum, þegar ekki næst til læknis, enda telji lyfjafræðingur brýna ástæðu til að verða við slíkri beiðni. Viðtakandi verður að greiða lyfið að fullu og staðfesta móttöku þess með undirritun (nafn og kennitala). Lyfjafræðingur sendir landlækni útfyllt símalyfseðilseyðublað (sbr. viðauka 2 við þessa reglugerð), sem á er ritað/stimplað orðið lyfseðilsafrit (sbr. 37. gr.) til staðfestingar á slíkri afgreiðslu.

Ákvæði þetta nær ekki til ávana- og fíknilyfja, sbr. IV. kafla þessarar reglugerðar.

3. gr.

66. gr. verður 67. gr.

4. gr.

Reglugerð þessi, sem sett er samkvæmt heimild í 16. og 17. gr. lyfjalaga nr. 108/1984, með síðari breytingum, öðlast gildi þegar við birtingu.

Heilbrigðis- og tryggingamálaráðuneytið, 11. apríl 1991.

Guðmundur Bjarnason.

Páll Sigurðsson.

AUGLÝSING

um starfsleyfi fyrir Sorpeyðingu höfuðborgarsvæðisins
b.s. Gufunesi, Reykjavík.

1. Almenn ákvæði.

- 1.1. Starfsleyfi þetta gildir fyrir móttöku, flokkun, endurvinnslu, pökkun og eyðingu úrgangs fyrir athafnasvæði Sorpeyðingar höfuðborgarsvæðisins b.s., Gufunesi í Reykjavík og Álfsnesi í Kjalarneshreppi.
- 1.2. Mengunarvarnir Hollustuverndar ríkisins geta, að höfðu samráði við Heilbrigðiseftirlit Reykjavíkur og Heilbrigðiseftirlit Kjósarsvæðis, lagt til við umhverfisráðherra, að starfsleyfi þetta verði endurskodað, ef í ljós kemur hætta á skaðlegum áhrifum á heilsufar almennings eða röskun lífríkis, frá starfseminni.
- 1.3. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

- 1.4. Fyrirtækinu er skylt að sjá um, að fyllstu snyrtimennsku og góðrar umgengni sé gætt á athafnasvæðum fyrirtækisins. Úrgang og annað rusl, svo sem pappír og plast, sem kann að berast út fyrir athafnasvæðin skal hreinsa upp jafnóðum.
- 1.5. Opin brennsla er óheimil á athafnasvæðunum. Óski fyrirtækið að koma upp brennsluofni þarfi það að fá sérstakt starfsleyfi fyrir slíkan rekstur.
- 1.6. Óski fyrirtækið eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarvarnareglugerðar nr. 389/1990.
- 1.7. Komi fram mengun, frá starfsemi fyrirtækisins, sem ekki er í samræmi við gögn sem lögð eru fram með umsókn um starfsleyfi er fyrirtækið ábyrgt fyrir því að stöðva áframhaldandi, mengun, á sinn kostnað, og hreinsa þá mengun sem þegar hefur orðið.
- 1.8. Ákvæði laga nr. 81/1988, um hollustuhætti og heilbrigðiseftirlit svo og mengunarvarnareglugerðar nr. 389/1990, gilda um starfsemi fyrirtækisins eftir því sem nánar er fyrir mælt í starfsleyfi þessu.

2. Ákvæði til varnar mengun ytra umhverfis.

2.1. Móttöku- og flokkunarstöð í Gufunesi.

- 2.1.1. Starfsleyfi þetta gildir fyrir móttöku og vinnslu neyslu- og framleiðsluúrgangs svo og sérstaks úrgangs. Óheimil er móttaka sóttneðs úrgangs, geislavirks úrgangs, svo og sprengiefna, nema með sérstöku starfsleyfi. Koma skal upp móttöku á spilliefnum samanber sérstakt starfsleyfi þar um.
- 2.1.2. Við athafnasvæði fyrirtækisins skulu vera skilti með greinilegri áletrun um afgreiðslutíma þess og hvar móttaka einstakra efna fer fram.
- 2.1.3. Á athafnasvæði fyrirtækisins skal takmarka alla umferð ökutækja utan afgreiðslutíma. Hlið á aðkomuvegi skulu vera læst utan afgreiðslutíma.
- 2.1.4. Á þjónustusvæði fyrirtækisins, skal fyrirtækið hlutast til um að komið verði á, á heppilegum stöðum, söfnunarstöðvum (gámastöðvum) þar sem almenningur og smærri fyrirtæki geta losað sig við flokkaðan úrgang sem m.a. gæti nýst til endurvinnslu. Stöðvar þessar skulu vera afgirtar og mannaðar eftir því sem tók eru á. Koma skal upp leiðbeiningaskiltum m.a. um afgreiðslutíma og með upplýsingum um flokkun úrgangsins eftir því sem ákveðið kann að vera hverju sinni. Fyrirtækið skal, í samráði við viðkomandi sveitarfélög, koma greinargóðum upplýsingum til almennings um rekstur og tilgang þessara söfnunarstöðva. Heilbrigðiseftirlit viðkomandi sveitarfélaga skal fjalla um og gefa út starfsleyfi fyrir umræddar söfnunarstöðvar.
- 2.1.5. Þeir aðilar, sem framleiðsluúrgangur og sérstakur úrgangur fellur til hjá, sjá um alla meðferð og aðflutning úrgangsins í samráði við Sorpeyðingu höfuðborgarsvæðisins b.s. og viðkomandi heilbrigðisnefnd. Fyrirtækið skal leiðbeina og sinna upplýsingaskyldu til sveitarfélaga og annarra er málið varðar um söfnun og aðflutning neysluúrgangs. Jafnframt skal fyrirtækið upplýsa viðkomandi heilbrigðiseftirlit um slík mál, einnig ef eitthvað fer úrskeiðis við starfsemina. Fyrirtækið skal leggja áherslu á nýtingu úrgangsefna til endurvinnslu.
- 2.1.6. Brotamálma skal endurvinna eftir því sem tók eru á. Áður en vinnsla fer fram skal fjarlægja alla vökva úr bifreiðum, vélum, þrýstikerfum og tækjum, s.s. smurólúr, þrýstiólúr, kælivökva og eldsneyti. Vökva þessa skal endurnýta eftir því sem kostur er á, en að öðrum kosti farga reglum samkvæmt.
- 2.1.7. Fjarlægja skal freon og halon af öllum búnaði, þar sem það er notað sem kæli- eða slökkviefni, sem berst til fyrirtækisins. Skal það gert með tækjum sem tryggja að efnin berist ekki út í umhverfið. Tegundum skal haldið aðskildum og þær geymdar

- í ílátum sem Hollustuvernd ríkisins hefur viðurkennt til slíkra nota. Allt freon og halon skal fara til endurvinnslu.
- 2.1.8. Notaða rafgeyma skal fyrir vinnslu geyma í sýruheldum ílátum. Geymasýru skal safna saman, sía og stilla af sýrustig pH 5 - 9 áður en henni er fargað. Blýagnir úr geymasýru þurfa að botnfalla og þeim síðan komið til endurvinnslu eða fargað sem hættulegum úrgangi.
- 2.1.9. Gengið skal, með efnagreiningu, úr skugga um að allir rafspennar, rofar og þéttar, sem fyrirtækið tekur á móti innihaldi ekki PCB, þetta skal framkvæmt áður en olía af búnaði er fjarlægð. Ef olía sem hefur verið fjarlægð, af slíkum búnaði, inniheldur meira en 50 ppm af PCB skal henni fargað sem umhverfismengandi úrgangi. Ef kælivökvi eða olíur úr búnaði innihalda meira en 2000 ppm af PCB er vinnsla búnaðarins óheimil og ber að farga honum samkvæmt fyrirráðum Mengunarvarna Hollustuverndar ríkisins. Sýnataka og efnagreining skal framkvæmd af aðila sem er viðurkenndur af Mengunarvörnum Hollustuverndar ríkisins.
- 2.1.10. Á svæðum þar sem vökvar eru tæmdir af bifreiðum, bifreiðahlutum, vélum og öðrum slíkum búnaði, einnig þar sem unnið er með rafspenna, rofa eða þetta skal vera steipt undirlag. Á fráveitu frá þessum undirlögum skulu vera olíuskiljur.
- 2.1.11. Stærð og gerð olíuskilju skal miðast við að olía í fráveituvatni sé ekki meiri en 15mg/l. Aðstaða skal vera til sýnatöku af fráveituvatni þar sem það kemur úr olíuskiljum.
- 2.1.12. Neysluúrgang og þann hluta framleiðslu- og sérstaks úrgangs sem ekki verður nýttur skal pressa í bagga áður en hann er fluttur til urðunar. Flutningar skulu fara fram í lokuðum vögnum.
- 2.1.13. Þeim hluta framleiðslu- og sérstaks úrgangs sem ekki er unnt að endurvinna eða bagga, skal safna saman í sérstökum lokuðum gámum, sérhönnuðum til að flytja úrganginn til urðunarstaðar.
- 2.1.14. Allan úrgang sem unnt er að bagga, annan en flokkaðan framleiðslu- og sérstakan úrgang, skal bagga og búa til flutnings áður en vinnudegi lýkur.
- 2.1.15. Prófa skal vinnsluvæði móttökustöðvarinnar daglega með 80°C - 90°C heitu vatni og háþrýstibúnaði.
- 2.1.16. Fráveitulagnir frá móttökusvæðum og vinnslusvæðum skulu útbúnar aðstöðu til rennismælinga, olíuskiljum, fellipróm og sandsíum. Allar fráveitulagnir til sjávar skulu að öðru leyti vera í samræmi við ákvæði mengunarvarnareglugerðar nr. 389/1990. Brunnar til sýnatöku á fráveituvatni skulu vera á fráveitu. Fylgjast skal með mengun sands í sandsíu og endurnýja í samráði við Mengunarvarnir Hollustuverndar ríkisins. Ganga skal þannig frá svæði við sandsíu að fólki stafi ekki hætta af þeim.
- 2.1.17. Verktakar sem hugsanlega annast þjónustu við úrgangsmeðhöndlun fyrir fyrirtækið skulu hlýta ákvæðum starfsleyfis þessa hvað mengunarvarnir varðar.
- 2.1.18. Gera skal viðeigandi ráðstafanir til að varna foki á þeim efnum, t.d. trékurli, sem endurunnin eru í stöðinni og geymd eru á útsvæði eftir vinnslu.
- 2.1.19. Fyrirbyggja skal að vargfugl eða meindýr taki sér bólfestu eða eigi sér viðverustað á athafnasvæðinu.
- 2.1.20. Takmarka skal umhverfishávaða frá starfsemi eftir því sem kostur er. Hávaði við lóðamörk skal ekki mælast meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.

2.2. Urðunarstaður í Álfsnesi.

- 2.2.1. Förgun úrgangs, eftir meðhöndlun í móttökustöð, fari einungis fram á þar til útbúnum stað, þ.e. á urðunarstað í Álfsnesi á Kjálarnesi.

- 2.2.2. Allt afhafnasvæðið skal girt öryggisgirðingu. Hlið skulu einungis opin á þeim tímum sem urðun stendur yfir. Takmarka skal aðgang annarra að svæðinu en þeirra sem starfa á vegum fyrirtækisins og eftirlitsaðila. Eftirlitsaðilar skulu tilkynna komu sína til vaktstjóra fyrirtækisins hverju sinni.
- 2.2.3. Opin fráveita skal vera umhverfis allt urðunarsvæðið og einnig við þann hluta urðunarsvæðisins sem í notkun er hverju sinni. Ekki skal vera nema eitt slíkt svæði í notkun samtímis. Það svæði sem er í notkun skal vera að fullu frágengið með tilliti til botns og hliða sbr. greinar 2.2.4. og 2.2.6. Með urðunarsvæði er átt við afmarkaðar urðunarreinar sem ekki ná yfir stærra svæði en 5 hektara.
- 2.2.4. Í botn urðunarsvæðis skal leggja hriplagnir og hriplag. Lagnir skulu við það miðaðar að geta flutt frá svæðinu grunnvatn er kann að flæða um botn gryfjunnar svo og sigvatn úr urðunarstæðu. Þykkt hriplags skal miðað við að stöðugt vatnsborð, að lokinni urðun nái ekki upp fyrir hriplagið. Koma skal fyrir mælibrunnum til að unnt sé að fylgjast með vatnshæð.
- 2.2.5. Botn urðunarstaðar getur verið með náttúrulegu þéttiefni eða þéttidúk. Lekt jarðlaga neðan hriplags skal ekki vera meiri en 10/-8 m/sek. Tryggt skal að þéttilag sé samfellt og að lágmarki 50 cm eftir þjöppun. Jarðvegsþéttidúkur skal hafa minni lekt en 10/-9 m/sek og skal gerð hans og lagning vera samkvæmt stöðlum viðurkenndum af Mengunarvörnum Hollustuverndar ríkisins.
- 2.2.6. Hliðarmörk urðunarsvæðis skal þétta, með náttúrulegu þéttiefni eða þéttidúk, þar sem hætta er á innstreymi grunnvatns sbr. niðurstöður forrannsóknna sem gerðar hafa verið. Tryggja skal að þétting hindri innstreymi þannig að grunnvatn standi hvergi yfir botnlagi.
- 2.2.7. Öllu vatni úr hriplögnum skal beina í safnlögn tengda búnaði til rennslismælinga, yfirbyggðri setþró og sandsíu. Fylgjast skal með mengun sands í sandsíu og endurnýja í samræmi við Mengunarvarnir Hollustuverndar ríkisins. Allar fráveitulagnir skulu að öðru leyti vera í samræmi við ákvæði mengungarvarnareglugerðar nr. 389/1990. Miða skal stærð setþróar við að viðverutími fráveituvatns verði minnst 12 klst.
- 2.2.8. Við hönnun skal gera ráð fyrir landrými til að bæta við hreinsibúnaði til efnaútfellingar úr sigvatninu síðar, gerist þess þörf sbr. grein 2.2.10.
- 2.2.9. Fyrir og eftir sandsíu og setþró skulu vera sýnatökubrunnar til að unnt verði að fylgjast með mengun.
- 2.2.10. Mengunarvarnir Hollustuverndar ríkisins geta í ljósi niðurstaðna mælinga á mengun í vatni endurskoðað kröfur um frekari hreinsun fráveituvatns.
- 2.2.11. Baggaður og annar úrgangur sem lagður hefur verið í urðunargryfju skal þakinn eins fljótt og auðið er. Við frágang þekjulags skal koma fyrir jarðefnum til þéttingar. Þekjulag skal vera þétt og mótun þess með þeim hætti að úrkomuvatn eigi auðvelda leið í fráveitu. Fyrstu fimm árin, sem urðað er skal þykkt þekjulags ekki vera minni en 150 cm. Þar af skal jarðvegur með ekki meiri lekt en 5 x 10/-8 m/sek vera að minnsta kosti 100 cm á þykkt. Í efsta lagið skal sá grasfræi eða tyrfa, til að auka þéttleika þekjulagsins. Ef valin verður sú leið að tyrfa, skulu 100 cm. af jarðvegi undir torfinu ekki hafa meiri lekt en 10/-7 m/sek. Í síðasta lagi eftir fimm ár verður krafan um þéttleika þekjulags endurskoðuð með hliðsjón af niðurstöðum mælinga samkvæmt gr. 3.1. og gr. 3.3. og þá tekin ákvörðun um endanlega þéttingu þekjulags.
- 2.2.12. Úrgangur sem ekki er hentugt að pressa og binda í bagga skal koma fyrir í urðunargryfjunni á milli böggunarstæða. Leitast skal við að allur frágangur á milli böggunarstæða sé þannig að komið sé í veg fyrir missig yfirborðs urðunarstæðunnar.

- 2.2.13. Meðhöndla skal seyru, ristarúrgang, salernisúrgang og húsdýratað til áburðar-myndunar, enda verði sá áburður nýttur í efri jarðlögum ræktunarsvæða við urðunarstaðinn. Leita skal samráðs við Heilbrigðiseftirlit Kjósarsvæðis um meðhöndlun og urðun.
- 2.2.14. Koma skal í veg fyrir fok á urðunarstaðnum. Fokvarnir skulu vera til staðar.
- 2.2.15. Fyrirbyggja skal að vargfugl og meindýr taki sér bólfestu eða eigi sér viðverustað á athafnasvæðinu.
- 2.2.16. Takmarka skal umhverfishávaða frá starfseminni eftir því sem kostur er. Hávaði við lóðamörk skal ekki mælast meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.

3. Mælingar og eftirlit.

- 3.1. Fyrstu fimm árin, sem starfsemi er á urðunarstaðnum skal ársfjórðungslega taka sýni og greina úr sýnatökubrunnum við hreinsivirki í Gufunesi og Álfsnesi. Eftir fimm ár skal í ljósi niðurstaðna mælinganna endurskoða áætlun þessa.
- 3.2. Greina skal eftirfarandi efni og mælipætti;
- | | |
|--|--|
| Ammoníum (NH ₄ ⁺) | Nítrat (NO ₃ ⁻) |
| Heildar fosfór | Heildar köfnunarefni |
| Krom (CR) | Sink (Zn) |
| Kadmíum (Cd) | Kvikasilfur (Hg) |
| Blý (Pb) | Mangan (Mn) |
| Kopar (Cu) | Járn (Fe) |
| Súrefnisþörf (COD) | Sýrustig (pH) |
| | Hitastig (°C) |
- 3.3. Árlega skal taka vatnssýni úr núverandi borholum í Álfsnesi, sem skal í þessu skyni viðhaldið. Í sýnum skal greina sömu efni og hér að ofan.
- 3.4. Gera skal sýnatökuaðstöðu, í haugstæðinu í Álfsnesi, til að fylgjast með gasmyndun í og frá urðunarstaðnum.
- 3.5. Fyrir ágústlok árið 1991 skal taka sýni á sjávarbotni á þrem völdum mælistöðum nærri útrásaropum frárennslis fyrirtækisins bæði í Álfsnesi og Gufunesi. Auk þess skal til samanburðar taka sýni á einum mælistað fjarri útrásaropum. Sýni skulu á öllum stöðum tekin af botnseti, völdum botndýrum (t.d. af tegundunum *Arctica islandica*, *Corophium bonelli*, *Eteone longa*, *Mytilus edulis*) og völdum þörungategundum (t.d. af tegundunum *Ascophyllum nodosum*, *Fucus distichus*, *Laminaria hyperborea*).
- Í sýnum skal greina eftirfarandi þungmálma:
- | | |
|--------------|------------------|
| Blý (Pb) | Kvikasilfur (Hg) |
| Kadmíum (Cd) | Kopar (Cu) |
| Sink (Zn) | Króm (Cr) |
- 3.6. Á fimm ára fresti skal til samanburðar eftir að rekstur er hafinn, á sama árstíma og á sömu mælistöðum gera samskonar mælingar og um getur í 3.5.
- 3.7. Fyrirtækið skal ábyrgjast framkvæmd mælinganna og fá til þess óháða hæfa aðila. Þessir aðilar sjái um sýnatökuna og túlki niðurstöður. Beita skal viðurkenndum vísindalegum aðferðum. Efnagreiningar fari fram af viðurkenndum aðila.
- 3.8. Senda skal Mengunarvörnum Hollustuverndar ríkisins árlega niðurstöður þeirra mælinga, sem framkvæmdar eru á árinu.
- 3.9. Mengunarvarnir Hollustuverndar ríkisins hafa eftirlit með mælingum fyrirtækisins og mæliaðferðum. Slíkt eftirlit skal fara fram eigi sjaldnar en einu sinni á ári. Nákvæmt mat á niðurstöðum og hugsanlegar samanburðarmælingar skulu fara fram eigi sjaldnar en þriðja hvert ár í samræmi við ákvæði mengunarvarna-

reglugerðar nr. 389/1990. Hollustuvernd ríkisins skal upplýsa fyrirtækið um niðurstöður matsins, eins fljótt og auðið er.

- 3.10. Reglulegt viðhald í samræmi við áætlun þar um skal vera á öllum mengunarvarna-búnaði fyrirtækisins. Eftirlitsáætlun er til endurskoðunar á þriggja ára fresti ef Hollustuvernd ríkisins eða fyrirtækið óska þess.
- 3.11. Á hverri vinnuvakt, á athafnasvæðum fyrirtækisins, skal starfa vaktstjóri sem hefur góða þekkingu á öllum búnaði og starfsreglum fyrirtækisins. Vaktstjóri skal einnig hafa þekkingu á ákvæðum starfsleyfis þessa og þeim lögum og reglum sem um starfsemina gilda. Eintök af starfsleyfi og viðkomandi lögum og reglum skulu ávallt tiltæk á vinnustað. Einnig skal fyrirtækið tilnefna fulltrúa sem eftirlitsaðilar, eða aðrir, geta haft samband við ef þörf krefur utan afgreiðslutíma fyrirtækisins.
- 3.12. Fulltrúar fyrirtækisins skulu a.m.k. árlega koma á sameiginlegan fund með fulltrúum frá Hollustuvernd ríkisins, Náttúruverndarráði og heilbrigðisnefndum. Á þessum fundum verði rætt um niðurstöður eftirlits- og umhverfismælinga svo og rekstur hreinsibúnaðar fyrirtækisins.
- 3.13. Almennt eftirlit skal vera á vegum Heilbrigðiseftirlits Kjósarsvæðis.
- 3.14. Eftir að starfsemi Sorpeyðingar höfuðborgarsvæðis b.s. lýkur á urðunarstað í Álfsnesi skal eftirliti fram haldið þar til rannsóknir sýna að þörf fyrir það minnkar. Skipulag slíks eftirlits skal gert í samráði við Hollustuvernd ríkisins, Heilbrigðiseftirlit Kjósarsvæðis, Náttúruverndarráð og Sorpeyðingu höfuðborgarsvæðisins b.s. Fyrirtækið skal bera allan kostnað af slíku eftirliti og jafnframt vera ábyrgt fyrir öllum nauðsynlegum aðgerðum vegna mengunar sem rekja má til starfseminnar.

4. Gjaldskylda.

- 4.1. Starfsemi Sorpeyðingar höfuðborgarsvæðisins b.s. fellur í fyrsta gjaldskrárflokk samkvæmt viðauka nr. 8 í mengunarvarnareglugerð nr. 389/1990. Gjald þetta skal standa undir kostnaði við sérhæft eftirlit Hollustuverndar ríkisins, samanber þriðja kafla reglugerðarinnar.

5. Gildistaka.

- 5.1. Starfsleyfi þetta er veitt í samræmi við ákvæði greinar 8.4. í mengunarvarnareglugerð nr. 389/1990 samanber lög nr. 81/1988, um hollustuhætti og heilbrigðiseftirlit og öðlast þegar gildi.

6. Ákvæði til bráðabirgða.

- 6.1. Heimilt er að urða, á urðunarstað í Álfsnesi, umhverfismengandi efnaúrgang sem talinn er vera lítið skaðlegur umhverfinu. Leita skal leyfis til Hollustuverndar ríkisins, vegna slíkrar urðunar. Hollustuvernd ríkisins samþykkir viðkomandi efni á lista yfir slík efni og hefur samráð við Heilbrigðiseftirlit Kjósarsvæðis og Náttúruverndarráð um mat á slíkri urðun. Þessir aðilar gefa fyriræmi um alla vinnutílhögun og um frágang úrgangsins.
- 6.2. Heimilt er að urða, á urðunarstað í Álfsnesi sýklamenguð matvæli og sýklameng-aðan úrgang frá heilbrigðisstofnunum. Leita skal samráðs við Heilbrigðiseftirlit Kjósarsvæðis um meðhöndlun og urðun.
- 6.3. Ákvæði þessi gilda þar til viðunandi lausn er komin fram, sem felur í sér varanlega aðstöðu fyrir ofangreindan úrgang, þar sem nútímalegir umhverfis- og heilbrigðis-hættir verði hafðir að leiðarljósi, þó eigi lengur en til 1. maí, 1996.

Umhverfissráðuneytið, 26. apríl, 1991.

Júlíus Sólnes.

Sigurbjörg Sæmundsdóttir.